

Nico Connor a lanza su CD nobo titula: Gospel Affirmations”



DIAHUEBS atardi na Mr. Jazz situa nan Paseo Herencia, Nico Connor a batiza su CD nobo titula: “Gospel Affirmations” den un forma sumamente bunita y special y cu ta macra tambe e di 10 CD cu e ta produci.

Durante di un atardi masha ameno den compania di invitado, famia, amigonan y prensa, Nico Connor a trese dilanti su ultimo produccion, cual ta un bunita compilacion di varios

cancion tradicional cu nos conoce na Aruba den e genero di Gospel.

E forma cu e bautismo a tuma lugar tabata hopi special, ya cu Nico a escoge pa pasa e baton over n’e generacion nobo di Connor. Nico Connor a aparece for di e balcon como un sorpresa y despues cu el a haci su presentacion el a tira e sticksnan abao na unda cu su sobrinonan



morochu, Quincy y Wesley Connor a catch nan y a cuminsa toca riba steelpan di Nico.

Hopi emocionante y cu un significado hopi importante tabata e forma simbolico aki di e bautismo nobo di Nico Connor. Na su lugar e ta trata di un CD di Gospel. Despues Nico a baha for di e balcon y a topa su sobrinonan riba escenario. Nan tur a uni hunto den un cancion y asina a marca historia y a ase-

gura cu e tradicion Connor riba steelpan lo continua pa hopi generacion mas.

E sobrinonan Quincy y Wesley mes a keda riba escenario ya cu nan tabata e padrinonan di e CD nobo, serando asina cu mas significacion ainda e bautismo special aki di Nico Connor.

Nico Connor a haci un dedicacion special den su CD nobo cu



ta bisa lo siguiente: “This album is dedicated to the Lord God Almighty who blessed me with my musical talent. A special honor to my grandfather, Pastor E.V. Connor, who shared with us that when you follow in the path of the father, you learn to walk like Him.” Tambe el a duna honor na dos persona, sra. Inaria Daal y Sonja Broadbelt, kendenan semper a yude cu benta di su CDnan.